



Framkvæmda- fréttir 29. tbl. /02

Vegflokkar, sjá kort í opnu

Í opnu þessa blaðs er kort sem sýnir hvernig þjóðvegakerfinu er skipt upp í flokka, þ.e. stofnvegi, tengivegi og landsvegi. Fjórir flokkurinn safnvegir eru ekki merktir á kortið. Vegaskrá og upplýsingar um skiptingu vegakerfis í vegflokka og vegalengdir er að finna á vegagerdin.is undir „vegakerfið“.

Samkvæmt vegalögum (nr.45/1994) er vegakerfi landsins skipt í þjóðvegi annars vegar og almenna vegi, einkavegi, reiðvegi og hjólréiða- og göngustíga hins vegar.

Þjóðvegir

Vegagerðin er veghaldari þjóðvega en veghald merkir forræði yfir vegi (vegagerð, þjónusta og viðhald). Þjóðvegir eru þeir vegir sem ætlaðir eru almenningi til frjálsrar umferðar, haldið er við af fé ríkisins og upp eru taldir í vegáætlun, safnvegaáætlun og landsvegaskrá. Þeir skulu mynda eðlilegt, samfellt vegakerfi til tengingar byggða landsins. Þjóðvegum er skipað í flokka eftir eftirfarandi reglum.

Stofnvegir

Vegir sem ná til 1.000 íbúa svæðis og tengja slík svæði saman. Víkja má frá reglunni um íbúafjölda ef um er að ræða tengingu kaupstaða eða kauptúna sem mynda samræmda heild frá atvinnulegu eða félagslegu sjónarmiði. Sama gildir um vegi sem hafa mikla árstíðabundna umferð eða þar sem innan 10 ára má búast við 1.000 bíla umferð á dag yfir sumarmánuðina. Við það stofnvegakerfi sem þannig fæst skal tengja með stofnvegi þéttbýli 400 íbúa eða fleiri enda sé tengingin ekki lengri en 20 km, svo og þéttbýli með 200-400 íbúa ef tenging er ekki lengri en sem svarar 5 km fyrir hverja 100 íbúa í þéttbýlinu. Þar sem stofnvegur endar í þéttbýli skal hann ná til þess svæðis sem mikilvægast er fyrir athafnalíf þéttbýlisins.

Tengivegir

Vegir sem tengja safnvegi við stofnvegi og ná að þriðja býli frá vegarenda þar sem búseta er. Þetta ákvæði gildir þó ekki ef um er að ræða veg í kaupstað eða kauptúni. Einnig má telja tengiveg að innsta býli þar sem landsvegur liggur úr byggð. Þar sem tengivegur tengir þéttbýli við stofnvegakerfið skal hann ná til þess svæðis sem mikilvægast er fyrir athafnalíf þéttbýlisins. Vegir að flugvöllum þar sem starfrækt er reglubundið áætlunarflug og vegir að höfnum og bryggjum, ef þaðan eru stundaðar áætlunarsiglingar, skulu einnig vera tengivegir ef þeir eru ekki stofnvegir samkvæmt skilgreiningu um þann vegflokk.

Framhald texta á baksíðu og kort í opnu

Samskipti við Lettland

Þann 12. ágúst var skrifað undir samkomulag vegagerða Íslands og Lettlands um samvinnu þessara stofnana næstu þrjú ár. Þetta er framlenging á samkomulagi sem var undirritað 4. júní 1999 í Lettlandi.

Markmiðið er að skiptast á upplýsingum og tækniþekkingu, meðal annars á sviði áætlana, hönnunar, viðhalds, framkvæmda og gagnagrunna.

Samskiptin verða að nokkru leyti í tengslum við fundi Norræna vegtæknisambandsins og Baltteska vegtæknisambandsins en einnig verða gagnkvæmar heimsóknir tæknimanna á milli landanna. Þá munu tæknimenn verða í tölupóstsbandi.



Helgi Hallgrímsson sitjandi til vinstri og Olafs Kronlaks til hægri skrifa undir samninginn. Standandi frá vinstri: Rögnvaldur Jónsson, Gunnar Gunnarsson, Jón Rögnvaldsson, Daiga Mezapuke og Martins Dambers.

Auglýsingar útboða

Þórsmerkurvegur (F249) 02-085

Vegagerðin, Suðurlandsumdæmi, óskar eftir tilboðum í gerð Þórsmerkurvegur (F249) frá varnargarði og út fyrir Nauthúsagil, um 2,5 km.

Helstu magntölur eru: neðra burðarlag, óunnið efni 22.100 m³, ræsi 48 m, malarslitlag 1.600 m³.

Verki skal að fullu lokið 15. nóvember 2002.

Útboðsgögn verða seld hjá Vegagerðinni á Selfossi og í Borgartúni 7, Reykjavík (móttaka), frá og með mánudeginum 26. ágúst 2002, Verð útboðsgagna er kr. 1.500.

Skila skal tilboðum á sömu stöðum fyrir klukkan 14:00 mánudaginn 9. september 2002 og verða þau opnuð þar kl. 14:15 þann dag.

Framkvæmdafréttir Vegagerðarinnar 29. tbl. 10. árg. nr. 312 26. ágúst 2002

Ritstjórn og umsjón útgáfu:
Víktor Arnar Ingólfsson
Ábyrgðarmaður:
Gunnar Gunnarsson
Prentun: Gutenberg

Ósk um áskrift sendist til:
Vegagerðin
Framkvæmdafréttir
Borgartúni 7
105 Reykjavík
(bréfsími 522 1109)
eða val@vegag.is

Vegagerðin gefur út Framkvæmdafréttir til að kynna útboðsframkvæmdir fyrir verktökum. Fyrirhuguð útboð eru kynnt, útboðsauglýsingar eru birtar og greint er frá niðurstöðum og samningum. Auk þess er í blaðinu annað það fréttafæni sem verður til hjá stofnuninni og talið er að eigi erindi til verktaka. Áskrifendur eru m.a. verktakar, verkfræðistofur og fjölmiðlar. Áskrift er endurgjaldslaus.

Yfirlit yfir útboðsverk

Þessi listi er stöðugt til endurskoðunar og geta dagsetningar og annað breyst fyrirvaralaust. Það eru auglýsingar útboða sem gefa endanlegar upplýsingar. Fremst í lista er númer útboðs í númerakerfi framkvæmdadeilda. Þá er skammstöfun fyrir umdæmi Vegagerðarinnar: Sl:Suðurland, Rn:Reykjanes, V:Vesturland, Vf:Vesfirðir, N.v:Norðurland vestra, N.ey:Norðurland eystra, Au:Austurland.

Fyrirhuguð útboð	Auglýst: dagur, mánuður, ár
02-044 N.v. Siglufjarðarvegur (76), Gránugata - Tjarnargata á Siglufirði	03
02-074 Vf. Vestfjarðavegur (60), ræsi í Ausuá í Dýrafirði	03
02-019 V. Snæfellsnesvegur (54), um Kolgrafafjörð	02
02-084 V. Hringvegur (1), hringtorg við Snæfellsnesveg	02
02-014 Sl. Hringvegur (1), vega- og brúargerð við Skaftá	02
02-015 Sl. Hringvegur (1), við Hellu	02
01-018 Rn. Nesbraut (49), færsla Hringbrautar, hönnun	09.02
02-026 Au. Norðausturvegur (85) Hölná – Miðheiðarhryggur	09.02
00-054 Rn. Hallsvegur (432), Fjallkonuvegur – Víkurvegur	09.02
02-078 Rn. Reykjanesbraut (41), breikkun Hvassahraun - Strandarheiði	09.02
02-009 N.v. Hringvegur (1), um Hnausakvísl forsteyptar einingar 2002-2003	09.02
02-086 N.v. Þverárfjallsvegur (744), Skúfur - Þverá 2002	Nýtt á lista 09.02
02-056 Sl. Hringvegur (1), brú á Þjórsá	09.02
02-055 Au. Hringvegur (1), Biskupsháls - Vegaskarð	09.02
02-027 Au. Styrking og mölburður á Austurlandi 2002-2003	09.02
Útboð sem hafa verið auglýst	Auglýst: Opnað:
02-085 Sl. Þórsmerkurvegur (F249) 2002	26.08.02 09.09.02
01-009 Au. Upphéraðsvegur (931), Fellabær – Setberg	12.08.02 26.08.02
02-060 Sl. Snjómokstur og hálkuvörn, uppsveitir Árnassýslu, austurhluti	12.08.02 26.08.02
02-061 Sl. Snjómokstur og hálkuvörn, uppsveitir Árnassýslu, vesturhluti	12.08.02 26.08.02
Útboð á samningaborði	Auglýst: Opnað:
02-072 Rn. Hafnarfjarðarvegur (40), aðrein Digranesvegur	22.07.02 06.08.02
02-073 Au. Suðurfjarðavegur (96) á Fáskrúðfirði	22.07.02 06.08.02
02-007 N.v. Hringvegur (1), um Hnausakvísl, vegtengingar 2002-2003	15.07.02 29.07.02
02-025 Au. Hringvegur (1), Melrakknes – Blábjörg	01.07.02 15.07.02
01-048 Sl. Hringvegur (1), vegur um Þjórsá	18.06.02 08.07.02
01-122 Veggöng 2002 - Forval	21.05.02 24.06.02
02-047 Áætlunarflug, Höfn í Hornafirði, 2002-2003	27.05.02 01.07.02
Samningum lokið	Opnað: Samið:
02-035 N.ey. Styrking og mölburður í Suður-Þingeyjarsýslu Sandöx ehf.	18.06.02 23.07.02
02-067 Sl. Hringtorg á Eyravegi, Selfossi Vélgrafan ehf., Selfossi	29.07.02 19.08.02

Samningum lokið, framhald	Opnað:	Samið:
02-075 Sl. Votmúlavegur (310) 2002, styrking og klæðing Vélgrafan ehf., Selfossi	29.07.02	15.08.02
02-071 Sl. Hringvegur (1), Þjórsá, eftirlit Verkfræðistofa Björns Ólafssonar ehf., Kópavogi	15.07.02	08.08.02
02-045 N.v. Mælifellsdalsvegur (F756), ræsi í Bugakvísl Sigurbjörn Skarphéðinsson, Sauðárkróki	15.07.02	25.07.02
02-070 N.v. Arnarvatnsvegur 2002 Þórarinn Kristinsson, Fellskoti	08.07.02	30.07.02
02-066 N.v. Skarðsvegur (793), 2002 Bás ehf., Siglufirði	08.07.02	17.07.02
02-064 Rn. Hringvegur (1), hringtorg við Skarhólabraut Íslenskir aðalverktakar	18.06.02	16.08.02

framhald af forsiðu

Safnvegir

Safnvegir tengja einstök býli, stofnanir o.fl. við tengivegi eða stofnvegi.

Til safnvega teljast: Vegir að öllum býlum sem búseta er á og ekki eru tengd með stofnvegi eða tengivegi. Vegur samkvæmt þessum lið skal þó aldrei teljast ná nær býli en 50 m ef hann endar þar eða vera inni í þéttri byggð ef vegakerfi þar er styttra en sem svarar 50 m fyrir hvert býli eða íbúð. Vegir að kirkjustöðum, opinberum skólum og öðrum opinberum stofnunum í dreifbýli og í þéttbýli með minna en 200 íbúa.

Landsvegir

Til þessa vegflokks skal telja þjóðvegi sem ekki tilheyra neinum af framangreindum vegflokkum. Þar er um að ræða vegi yfir fjöll og heiðar, þar á meðal vegi sem tengja saman landshluta, vegi innan þjóðgarða og vegi að fjölsóttum ferðamannastöðum.

Á vegum þessum skal yfirleitt einungis gera ráð fyrir árstíðabundinni umferð og minna eftirliti og minni þjónustu en á öðrum þjóðvegum.

Almennir vegir, einkavegir, reiðvegir og hjólreiða- og göngustígar

Eigendur almennra vega, einkavega, reiðvega og hjólreiða- og göngustíga hafa veghald þeirra. Almennir vegir eru í eigu opinberra aðila og ætlaðir almenningi til frjálsrar umferðar. Einkavegir eru kostaðir af einstaklingum, fyrirtækjum eða opinberum aðilum. Reiðvegir eru einkum ætlaðir umferð ríðandi manna og eru kostaðir af einstaklingum, félagasamtökum, fyrirtækjum eða opinberum aðilum. Til reiðvega skal og veita fé í vegáætlun. Hjólreiða- og göngustígar eru einkum ætlaðir hjólandi og gangandi vegfarendum og eru kostaðir af einstaklingum, félagasamtökum, fyrirtækjum eða opinberum aðilum.

Í vegáætlun er heimilt að veita fé til eftirfarandi samgönguleiða: Gatna í þéttbýli, vega yfir fjöll og heiðar, vega að bryggjum, eyðibýlum, flugvöllum, skipbrotsmannaskýlum, skíðaskálum og skíðasvæðum og vega að fjallskilaréttum. Ennfremur til vega að leitarmannaskálum, fjallaskálum, fullgerðum orkuverum og félagsheimilum, einnig til vega að og innan uppgræðslu- og skógræktarsvæða, og ferja.